

سرى للغاية

محضر اجتماع مجلس الوزراء برئاسة الرئيس جمال عبد الناصر

القاهرة - قصر القبة فى ٢٠ مارس ١٩٦٨

الحاضرون

كمال هنرى أبادير.. للمواصلات، فريق أول محمد فوزى.. للحربية، محمد حلمى مراد.. للتربية والتعليم، محمد عبد الله مرزبان.. للتموين والتجارة الداخلية، إبراهيم زكى قناوى.. للرى، على زين العابدين صالح.. للنقل، أحمد مصطفى أحمد.. للبحث العلمى، السيد جاب الله السيد.. للتخطيط، حسن حسن مصطفى.. للإسكان والمرافق، محمد بكر أحمد.. لاستصلاح الأراضى، عبد العزيز محمد حجازى.. للخزانة، محمد حافظ غانم.. للسياحة، محمد صفى الدين أبو العز.. للشباب، ضياء الدين داوود.. للشئون الاجتماعية وللدولة لشئون مجلس الأمة.
عبد العزيز كامل.. نائب وزير الأوقاف.

الرئيس جمال عبد الناصر، حسين الشافعى.. نائب الرئيس ووزير الأوقاف، صدقى سليمان.. نائب الرئيس ووزير الكهرباء والسد العالى، الدكتور محمود فوزى.. مساعد رئيس الجمهورية للشئون الخارجية، كمال رفعت.. للعمل، عزيز صدقى.. للصناعة والبتترول والثروة المعدنية، عبد المحسن أبو النور.. للإدارة المحلية، ثروت عكاشة.. للثقافة، محمد أبو نصير.. للعدل، سيد مرعى.. للزراعة والإصلاح الزراعى، حسن عباس زكى.. للاقتصاد والتجارة الخارجية، محمد النبوى المهندس.. للصحة، عبد الوهاب البشرى.. للانتاج الحربى، محمد لبيب شقير.. للتعليم العالى، محمود رياض.. للخارجية، شعراوى جمعة.. للداخلية، أمين هويدى.. للدولة، محمد فائق.. للإرشاد القومى،

تعديل وزارى

الوزراء الذين خرجوا:

زكريا محى الدين.. نائب الرئيس، على صبرى.. نائب الرئيس ووزير مقيم لمنطقة القناة، عبد المنعم القيسونى.. وزير التخطيط، محمود يونس.. وزير النقل والبتترول والثروة المعدنية، عبد العزيز السيد.. وزير التربية والتعليم، محمد طلعت خيرى.. وزير الشباب، نزيه ضيف.. وزير الخزانة، عصام حسونة.. وزير العدل، عبد الخالق الشناوى.. وزير الرى، نور الدين قره.. وزير التموين والتجارة الداخلية، توفيق البكرى.. وزير الدولة لشئون الصناعة، أمين شاكر.. وزير السياحة، عزيز أحمد يس.. وزير الإسكان والمرافق.

الوزراء الجدد:

محمد أبو نصير.. للعدل، محمد حلمى مراد.. للتربية والتعليم، محمد عبد الله مرزبان.. للتموين والتجارة الداخلية، إبراهيم زكى قناوى.. للرى، على زين العابدين صالح.. للنقل، أحمد مصطفى أحمد.. للبحث العلمى، السيد جاب الله السيد.. للتخطيط، حسن حسن مصطفى.. للإسكان والمرافق، محمد بكر أحمد.. لاستصلاح الأراضى، عبد العزيز محمد حجازى.. للخزانة، محمد حافظ غانم.. للسياحة، محمد صفى الدين أبو العز.. للشباب، ضياء الدين داوود.. للشئون الاجتماعية وللدولة لشئون مجلس الأمة، عبد العزيز كامل.. نائب وزير الأوقاف.

سرى للغاية

المحتويات

الموضوع	الصفحة
- عبد الناصر للوزراء الجدد.. التغيير الوزارى ليس لمعايير فنية ولكنها سياسية الحقائق التى تحكم عمل النظام؛ الناحية العسكرية ثم السياسية والاقتصادية والنفسية	١ ٤ - ٧

سرى للغاية

قرارات مجلس الوزراء

فى ١٩٦٨/٣/٢٠

تشكيل اللجان الوزارية لمجلس الوزراء:

- لجنة للتخطيط برئاسة الرئيس جمال عبد الناصر، وستعقد هذه اللجنة اجتماعات شهرية لمناقشة الخطة الموضوعية وما يطرأ عليها من متغيرات.
- اللجنة التشريعية برئاسة حسين الشافعى.
- اللجنة الاقتصادية برئاسة صدقى سليمان.

سرى للغاية

محضر اجتماع مجلس الوزراء برئاسة الرئيس جمال عبد الناصر

القاهرة - قصر القبة فى ٢٠ مارس ١٩٦٨

عبد الناصر: نبدأ بالترحيب بالزملاء الجدد، والأخ أبو نصير بنعتبره زميل قديم ولكن أيضا بنرحب به مع إخواننا الزملاء الجدد. ونرجو من الله أن يوفق كل واحد فيهم فى أداء عمله وإعطاء كل جهده للشعب وللمصلحة العامة.

والحقيقة بدى برضه أقول لهم بالذات: إنهم هنا بيتمثلوا الشعب، والتمثيل هنا مش تمثيل فنى أو التمثيل الأخصائى أبدا؛ بالعكس هو التمثيل السياسى لأن كل واحد فيهم مكانش بعيد عن العمل السياسى فى مكانه. وأنا أعتقد الى حد كبير أن العمل السياسى اللى هو الناحية الأساسية هى اللى الدافعة، بحيث إنكم تشتركوا معنا فى هذا الاجتماع. وأرجو طبعاً أن باستمرار العمل السياسى هو بيكون العملية الأولى، هم كلهم لهم خبرة فى الأعمال العامة سواء فى الكليات أو فى الاتحاد الاشتراكى أو فى المكاتب التنفيذية، وكلهم بيتمثلوا جيل جديد مطلوب أنه يحمل المسؤولية.. ودا بيدى معنى كبير. فيه عندنا الأخ قناوى برضه بنعتبره بيتمثل جيل جديد؛ لأن وهو فى السد العالى الحقيقة ضرب المثل للأجيال كلها بالعمل اللى عمله واللى قام به. وعندنا الأخ صفى الدين أظن أصغر الوزراء سنا يمثل جيل جديد جداً، وأعتقد أنه سيستطيع أن يخلق لنا فى وزارة الشباب فعلاً الجيل الجديد اللى بنتمناه ونعتز به.

الإخوة كلهم الحقيقة فى كلامى معاهم وفى بحثى معاهم للأمور، قلت لهم هذا الكلام: العملية ليست عملية فنية ولكن العملية هى عملية سياسية. والحقيقة عملية التعديل الوزارى - كما يصح أن نسميه - ليست عملية منفصلة بذاتها وليست عملية قائمة بذاتها، ولكن هى جزء من عملية أكبر، وكلنا بنحس بالحاجة الى هذه العملية، وفيه بعض الدول يمكن حددت المدة اللى الوزراء يستمروا فيها فى عملهم الوزارى.

وباعتقد فى يوغوسلافيا حددوا ٤ أو ٥ سنوات، بحيث إن كل عمل بيأخذ مدة ثم يأتى جيل جديد. والحقيقة هى أزمة، لأن الناس عايزة باستمرار تحس أن الطريق قدامها مفتوح وإن كل واحد يقدر يصل لأعلى المناصب القيادية فى الدولة؛ ففقل السكة مش عامل يعطى أمل. والحقيقة التغيير بالنسبة لزملائنا القدامى اللى تركوا الوزارة، إحنا مابنقولش أبدا إن عليهم حاجة ولكن المرحلة كانت تستدعى إن احنا فعلاً يبقى شئ جديد؛ ليعطى أمل للمستقبل لكل الناس، ويعطى أيضاً دفعة جديدة بالنسبة لكل فرع من فروع الدولة.

سرى للغاية

وهو الحقيقة حصل كلام عن التغيير، ويمكن أول واحد اتكلم عن التغيير كان أنا فى اجتماعات مجلس الوزراء بعد النكسة، واتكلمنا عن ضرورة التغيير بالنسبة لعدة مراحل مختلفة وبالذات بالنسبة لعملنا فى مجلس الوزراء وعلما فى الوزارات، وبالنسبة لعمل الدولة وترابطها مع بعضها ولم كل الأمور. ثم بعد هذا طلعت الكلمة وانتشرت حتى أصبحت اليوم على لسان كل واحد ..التغيير.. التغيير.

الحقيقة إيه المقصود بكلمة التغيير؟ أما نيجى نتكلم ونسأل كل واحد ونقول له: إيه المقصود بكلمة التغيير؟ كل واحد يفكر عن التغيير فى مجال عام دا نمرة ١، وفى مجال خاص دا نمرة ٢، ويمكن مايخده العملية متكاملة.

ولكن فى رأى التغيير كما أتصوره هو تغيير مزدوج، والناحية الأولى هى حشد كل الطاقات للمعركة القادمة. إحنا قدامنا معركة إحنا فيها، وهذه المعركة أيضا قد تفرض علينا ويجب أن نحشد كل الطاقات، ونحن نحشد كل الطاقات للمعركة القادمة يجب إن إحنا نتطلع الى المستقبل اللي هيبقى بعد المعركة.

ولأن المستقبل بالنسبة لجميع الناس هو أمل، والناس مش ممكن تقاثل وتضحى إلا إذا كان عندها أمل فى المستقبل، وأساسا لازم ندى الناس أمل فى المستقبل. والحقيقة المهمة فى حد ذاتها مهمة صعبة، كى نوازن بين حشد كل الطاقات للمعركة القادمة وبين إعطاء الأمل والتطلع للمستقبل. وإحنا تناقشنا كثيرا فى هذا الموضوع فى اللجنة التنفيذية العليا وحنناقش فى هذ الموضوع هنا فى مجلس الوزراء؛ فى المستقبل بالنسبة لحشد طاقاتنا للمعركة القادمة، وبالنسبة للعمل والتطلع للمستقبل.

والحقيقة أنا قلق جدا بالنسبة لآمال المستقبل، حسب النتائج اللي حققناها أخيرا مش هى النتائج اللي على المستوى اللي كنا ننتظره، وخصوصا بالنسبة للتنمية لأن نزول نسبة التنمية معناها قلة العمالة ومعناها مشاكل إقتصادية.

وطبعا بالنسبة لإخواننا الجداد أنا بأطلب منهم شئ أساسى، إنهم الحقيقة باعتبارهم جايين داخلين العمل الحكومى لأول مرة؛ المطلوب إن كل واحد يفرض تفكيره على الأجهزة اللي موجودة معاه، ومايخلىش هذه الأجهزة تفرض عليهم نفسها وتقيد حركاتهم. ويمكن أنا اتكلمت فى هذا مع الأخ حجازى بالتفصيل، وقلت له: إن أنا عندى مشاكل من أول الثورة، عايزين نحل هذه المشاكل ومش عارفين نحل هذه المشاكل، كل الناس بتشتكى منها؛ زى مشكلة مصلحة الضرائب مثلا، والجمارك والحاجات اللي اتكلمنا فيها مئات المرات لكن بكل أسف مقدرناش نغيرها!

سرى للغاية

ويعدين بقول: أنا مش هاقدر أغير حاجة - أنا شخصيا - إذا كنتم أنتم مش هتفرضوا تفكيركم. وإنتم جاينين من بره وعارفين الناس بتشتكى من إيه ومتضايقه من إيه، وإنتم كنتم مختلطين بالعمل الحكومى، وكنتم بتتنقدوا انتقاد مر! وعايزين نشوف إيه اللى هتقدروا تعملوه بالنسبة لفرض تفكيركم وشخصيتكم على الأجهزة.

وعادة الأجهزة أول ما بيحى وزير بتطويه وهى اللى بتسييره، وإذا لم يكن الوزير قادر على أن يفرض وجوده فرض فى الوزارة وأفكاره، ويعنى فيه ناس بتيجى ويفرض وجوده وتفكيره - وده اللى شفته فى التجربة - وفيه ناس الأجهزة بتمتصه وبتحتويه وتأخذ كل مافيه من طاقة وحيوية.

وطبعا باعتباركم جزء من عملية التغيير، لا بد أن كل واحد يفرض تفكيره ويفرض شخصيته. والتغيير مطلوب فى كل المجالات، والحقيقة إحنا غيرنا فى القوات المسلحة، وأنا بقول: أنا رحى يومين فى القوات المسلحة ولقيت جيش غير الجيش اللى أنا كنت باشوفه قبل كده، من كل النواحى حتى من ناحية وقفة العسكرى.. إلخ! والكلام دا أخذ ٩ أشهر، وكلنا عارفين إن الجيش طلع خلصان ولكن أمكن التغيير.

لكن برضه يمكن أنا بقول الكلام دا للوزراء الجدد والقدامى الآخرين: إنه مطلوب تغيير فى نواحى عدة من نواحى وزاراتكم، وطبعا فيه مجالات كثيرة فى العمل السياسى وفى العمل الفنى.

وأنا بقول: العمل السياسى هو الأولى والأخ حلمى مراد لما كلمته على وزارة التربية والتعليم، فوجئ وقال لى: تربية وتعليم إيه؟! أنا قلت له: لا.. دا أنا باعتبار ده عمل سياسى، وكنا بنشوف زمان فى الأحزاب وفيه لغاية دلوقتى فى الأحزاب فى الخارج إن الوزير الواحد ممكن يمस्क أكثر من أى وزارة.. يمस्क الخارجية وبعد كده يمस्क المالية وبعد كده يمस्क التعليم والفنيين موجودين.

طبعا وزارة التربية والتعليم، أنا قلت له: وزارة مهمة جدا وفيها أكبر عدد من موظفى الدولة وعايزة تعبئة كبيرة لكل الجهود، والتعليم الحقيقة هو الأكثر تأثير فى البلد. وبرضه التعليم العالى، مجموعة مسؤولة عن فترة التربية الأولى لشبابنا، وعايزين برضه نربط بين التعليم العام والتعليم الثانوى؛ لأن هنا فيه ثغرة بين التعليم الثانوى والتعليم العام. وأهم شئ أمامنا الآن: هو خطة العمل السياسى للمرحلة المقبلة، وإن شاء الله فى الأسبوع القادم أنا هقول البيان اللى أنا كنت وعدت بيه فى خطابى فى حلوان، وعايذ أسمع منكم جميعا قبل ما أقول البيان إيه الأفكار اللى موجودة عندكم.

مش متصور إنكم النهارده هتقدروا تتكلموا؛ لأن فى أول جلسة مش بيكون الوضع مريح عشان اللى عنده كلام يقدر يتكلم. وأنا متصور الحقيقة إن احنا ممكن

سرى للغاية

نعمل جلستين - ثلاثة الأسبوع القادم. ممكن نعمل جلسة الأحد، وجلسة الاثنين، بحيث كل واحد منكم يكون قدر يحضر جميع أفكاره اللي عايز يقولها. ونتكلم بعد كذا بيومين ثلاث أيام، ولكن أعتقد إن كلامكم بيفيدنى فى عمل البيان. وقبل طبعاً ماتتكلّموا فى الأمور اللي أنا أشرت إليها، أحب إنكم تعرفوا بعض الحقائق الأساسية اللي تحكم عملنا فى هذه المرحلة:

أول ناحية هي الناحية العسكرية، وبعدين الناحية السياسية والناحية الإقتصادية والناحية النفسية من وجهة نظر الجبهة الداخلية.

بالنسبة للناحية العسكرية: وفى الحقيقة أنا كنت ممكن أخلى إخوانا هم اللي يتكلموا فى الأمور دي لكن عايز أتكلم فيها، ويمكن فى الجلسات القادمة إخوانا المسئولين يقدروا يتكلموا فى هذه الأمور بالتفصيل.

الناحية العسكرية بعد ٨ يونيو.. ٩ و ١٠ يونيو، القوات المسلحة كانت خلصت تمام مكانش عندنا تقريبا قوات مسلحة، ثم بدأنا عملية بناء القوات المسلحة ووصلنا الى مرحلة البناء الدفاعى. النهارده عندنا قوة نستطيع أن نطمئن من وجودها إن اسرائيل لن تتمكن من أنها تعبر قنال السويس أو تتقدم فى باقى البلاد بأى شكل من الأشكال.

ولكن فى نفس الوقت لسه معدناش القوة الهجومية ومعدناش القدرة الهجومية، والكلام اللي أنا يمكن مقلتهوش فى خطبى ويقوله: هو إن احنا نحتاج الى سنة علشان تكون عندنا القوة والقدرة الهجومية بالنسبة للقوات الجوية، أو بالنسبة للقوات الأرضية؛ لأن احنا فى حاجة الى طيارين وفى حاجة الى معدات حتى نستطيع أن نعبر قناة السويس.

طبعاً الحقيقة سنة مدة طويلة، وهنا طبعاً بتقابلنا أسئلة كثيرة من الناحية السياسية والناحية الإقتصادية والناحية النفسية.. إزاي إذا لم يكن هناك حل سياسى سنستطيع أن نعبئ الجماهير ونلم حولنا الجماهير؟ هذه المدة اللي هي فى رأى المدة الطويلة وقد تضيق بيها الناس.

بالنسبة للناحية السياسية: فى الحقيقة إحنا حاولنا بكل الوسائل نحل حل سياسى، لعدة أسباب:

السبب الأول: إن الروس هم المصدر الوحيد اللي احنا بناخد منه السلاح، والروس كان من رأيهم الحل السياسى لأن كان فى تقديرهم إن احنا نحتاج الى سنتين على الأقل ويمكن ٣ سنين عشان نستطيع أن نقوم بعمل عسكري، فليس أمامنا من سبيل إلا العمل السياسى.

سرى للغاية

النقطة الثانية: إنهم كانوا متصورين إنهم إذا إدونا أسلحة ومادخلناش فى العمل السياسى، قد تأخذنا الحمية ونعمل عمل عسكرى ونخسر معركة عسكرية قد يتأثروا هم بها سياسيا.

النقطة الثالثة: إن احنا أيضا كنا نعرف إن احنا عايزين وقت طويل عشان نقوم بعمل عسكرى، وعلى هذا الأساس فمافيش ضرر أبدا بأى حال من الأحوال إن احنا نقوم بالعمل السياسى أو نحاول أن نصل الى الحل السياسى؛ على أساس أن نظهر أمام العالم أننا غير متعنتين، وعلى هذا الأساس قبل المشروع البريطانى اللى كان فى يوم ٢٢ نوفمبر.

ولكن بعد هذا اسرائيل حتى الآن لم تقبل هذا المشروع، على الرغم من سفر يارنج هذه السفريات المتعددة! واسرائيل لها مطالب أساسا كانت هى.. التفاوض المباشر بينها وبيننا، بعد كده التفاوض الغير مباشر أى مع وجود مندوب الأمم المتحدة. والحقيقة إننا لم نقبل التفاوض المباشر ولا التفاوض الغير مباشر، ولكن إيه اللى كسبناه فى هذه المرحلة؟ كسبنا الحقيقة عسكريا.. يعنى كسبنا إن الحقيقة بنشعر أن الاتحاد السوفيتى بدأ بعد ما كان فى وقت كان فيه نوع من التوتر فى العلاقات، بعد كده ابتدت هذه العلاقات ترتاح وبدأ إنه يدينا الأسلحة اللى احنا طلبناها. وكل ما بيتضح الموقف الحقيقة بنشعر أن الاتحاد السوفيتى بيدينا أكثر كمية من الأسلحة. وبدأ حوار أخير بين الاتحاد السوفيتى وبين الولايات المتحدة الأمريكية بالنسبة لمشكلة الشرق الأوسط، والروس اتكلموا معنا على هذا الحديث.

وإننا شجعناهم على هذا الحديث، ولكن كل ما بيبان إن فيه شئ إتقبل فالأمريكان بيتراجعوا الى موقف أشد صلابة وشروط أشد صلابة! وبرضه فى الجلسات القادمة ممكن نقول تفصيلات أكثر بالنسبة لهذا الموضوع.

عن الحل السياسى: أنا الحقيقة لغاية دلوقتى أنا غير متفائل، ولو إن احنا ماشيين فى طريق الحل السياسى.

من الناحية الاقتصادية: طبعا عندنا عدة مشاكل..

المشكلة الأولى: هى النقص فى العملة الصعبة.

المشكلة الثانية: هى عدم توازن ميزان المدفوعات.

النقطة الثالثة: هى زيادة الإنفاق بالنسبة للإنفاق العام.

النقطة الرابعة: هى تضخم الأجور والزيادة فى تضخم هذه الأجور سنة بعد

سنة.

سرى للغاية

والنقطة الخامسة اللى أنا باعتبارها المشكلة: تقليل الإستثمارات فى هذه السنين بما عمل شئ ما أقدرش أقول انكماش ولكن أثر. إحنا كان النمو السنوى.. الزيادة السنوية كانت ٦,٥٪، وصلنا أخيرا الى ١,٥٪، بالنسبة لـ ١,٥٪ منقدرش نمشى، على الأقل تكون ٦٪ علشان نقدر نعين الخريجين من الجامعة كل سنة.. هذا العدد الكبير. ودى كلها مواضيع عايزة حل، وعايزة نكون دقيقين خصوصا إن احنا النهارده بناخد معونة من الدول العربية تقدر بـ ٩٥ مليون جنيه نتيجة مؤتمر الخرطوم، أيضا الميزانية المفروض إنها تتقدم فى أواخر هذا الشهر الى مجلس الأمة، ويعتبر إن فيه جزء كبير من الميزانية انتهى.

الموضوع الرابع: وهو الناحية النفسية التى يجب أن نضعها فى اعتبارنا بالنسبة للجبهة الداخلية، واللى أنا متصوره إن أعدائنا بعد أن فشلوا فى إسقاط النظام بالعمل العسكرى، ثم بعد كده فشلوا فى إسقاط النظام بالضغط الإقتصادى، وبعدين دلوقتى بيحاولوا إننا نتفاوض مباشرة مع اسرائيل، وبيبان إن مافيش قدامهم إلا العمل فى الجبهة الداخلية بحيث إذا اهترت الجبهة الداخلية فقد يؤدى ذلك الى إسقاط النظام. وهذا نجحوا فيه فى بعض البلاد.. فى إندونيسيا، واستطاعوا عن طريق الجبهة الداخلية والعمل المستمر والعمل فى وسط الطلبة الى إنهم يسقطوا النظام هناك، وقيموا نظام جديد موالى ليهم. الحقيقة لغاية دلوقتى تقريبا كل شئ هادئ، ما عدا كلية الهندسة فى جامعة القاهرة، ومعرش كلية الهندسة النهارده فى جامعة عين شمس؟ ولكن فى هندسة القاهرة بيعملوا مؤتمر طلابى بيجمع فيه عدد من الطلبة - ٥٠٠ ، ٦٠٠ طالب - وبيتكلموا كل يوم والحقيقة إحنا سايبينهم لغاية دلوقتى.

والحقيقة زى ماقلت لإخواننا الوزرا لما قابلتهم: إن هذه مرحلة صعبة، وقد نضطر أن نأخذ إجراءات حاسمة بالنسبة لعدة موضوعات.. بالنسبة لموضوع الحرب أو موضوع السلام، بالنسبة للحل السياسى أو بالنسبة للحرب. أيضا إجراءات بالنسبة للنواحي الاقتصادية، أيضا إجراءات بالنسبة للنواحي الداخلية. وأى عمل تقوم به ضدى الثورة المضادة، لابد أن نواجه هذا العمل بقوة ونوقفه عند حده من الأول وإلا بتتصاعد الأمور، وإذا تصاعدت الأمور قد تفلت!

سرى للغاية

ويمكن اتكلمت مع البعض، إن بعض الناس فى حزب شيوعى صينى موجود هنا فى البلد، والحقيقة هذا الحزب الشيوعى الصينى كان مالوش قيمة ولكن ثبت لنا إن له اتصالات مع بعض الطلبة فى كلية الهندسة جامعة القاهرة وكلية العلوم جامعة القاهرة. وفيه أيضا بعض الناس المنتمين للإخوان المسلمين وبيعملوا جمعيات دينية، وده كان يمكن فى كلية الهندسة جامعة عين شمس، بالنسبة للجماعة الدينية بتاعة الشيخ كشك اللى كانوا موجودين واللى كانوا جهزوا اليفط. وأنا فى رأى إن العمليات للغاية دلوقتى بسيطة ونستطيع إن احنا ناخذها باللين، ولكن قد يتطور الأمر إن احنا نأخذ موقف شديد ويتمشى مع طبيعة المرحلة.

ودا يمكن مجمل أساس كلامى النهارده اللى حبيت أقوله فى مجلس الوزراء، إلا إذا كان فيه حد يحب يستوضح أى شئ برضه.. نتكلم فيه.

بلغونا خبر بيقولوا: إن موسى ديان أصيب بجرح خطير، مش معقول أصيب من الهوا يعنى أكيد أصيب بحاجة طبعا!

إذا نؤجل اجتماعنا ليوم الأحد إن شاء الله الساعة ٦. وقبل مانؤجل اجتماعنا أنا بأقترح إن احنا نعمل ٣ لجان..

الأولى: لجنة للتخطيط: مش للخطة، ودى رأسها أنا، وتكون اجتماعاتها شهرية، والغرض منها إن احنا نشوف الخطة الموضوعية وأى تغييرات للخطة.

واللجنة التشريعية: بيرأسها السيد حسين الشافعى.

واللجنة الاقتصادية والقوى العاملة: بيرأسها السيد صدقى سليمان.

وأعتقد كل واحد عارف المناصب اللى ممكن تكون موجودة فى هذه اللجان،

عشان ممكن تقدرنا تشتغلوا على طول بالنسبة للتشريعات أو للنواحي الاقتصادية.

أرجو من الله يوفقنا ويمكننا من إن احنا نقدر فى المرحلة القادمة إن احنا نؤدى

العمل المطلوب أداء كاملا.

وموعدا يوم الأحد الساعة ٦، والسلام عليكم.